

明·徐

紘編

明臺靖三十年武進王氏刊本

皇明名臣琬琰錄

文海出版社
印行

皇明名臣琬琰錄卷之十八

少師工部尚書追封荏平伯榮襄吳公神道碑銘

楊文貞公士奇

公諱中字司正姓吳氏世家山東之武城業儒曾祖
淵祖興仕元爲任丘令考成皆以公貴累贈榮祿大
夫正治上卿少保工部尚書曾祖妣 祖妣 妣
皆贈天人公洪武戊寅自國子生授營州後屯衛經歷
陞大寧都司經歷

太宗皇帝義旗所舉師至大寧公以衆出迎公體白潔
豐偉應對明暢

上一見拔於羣衆中賜襲衣命守會州教士卒力田南
兵攻城率衆卻之移守薊州捍禦撫綏具有方略賜

衣服器物以嘉獎之遂命署北平布政司理問陞本
司經歷給饗運贊城守並效勞績陞大理寺丞是歲
旱蝗公言此由刑濫所致皆臣等之過乞戒飭法司
務寬平無幾陞少卿以浚奸慝陞都察院右都御史
將營北京宮殿改工部尚書奉命取材於蜀還又命
董餉運北京賜帛六伯死車駕北征公扈從無督餉
運既還丁外艱歸起復仍命董宮殿營繕公言營繕
吉事臣喪服未除非所當預改刑部尚書後以言事
忤旨遠繫

仁宗皇帝嗣位尤見信任陞少保仍兼尚書賜寶帶金
織衣已而坐累解少保公事

三聖皆見信任凡車駕行幸不以遐邇皆在扈從三陵

之建皆公董役等事皆有銀幣之賜

皇上嗣位以公舊老復少保重建奉天華蓋謹身三殿
乾清坤寧二宮命公董之營莫勞勤致疾功成公雖
在告嘉念厥勞陞少師賜白金文綺加繡麟衣無幾
疾竟不起正統壬戌六月丙辰云訃聞輟視朝一日
遣禮部尚書胡濙賜祭追封荏平伯賜謚榮襄命有
司治葬官其子賢世襲錦衣衛百戶公爲人和易閑
爽勤於奉公其掌刑憲寬厚平恕恒躬視獄中命除
穢惡疏桎梏時食飲戒飭吏卒以時寬恤迨遷冬官
職務填委規措經画條理井井心之默識雖久不
襟度有容雖忤不校或屈已伸謝愛護僚屬恒
疵其佐在南京者嘗賦造海艘材於江西浙江江

加數十倍時論譙諱公聞駭愕遽奏罷賦悉給於公
屬官有器能者率獎進之先事蓄材以應時需隨用
皆足未嘗缺乏自正統來京師多大營建悉出公家
有司不知百姓不聞此本

皇上之仁亦公預贊畫焉明於燭姦嘗四鼓入朝道遇
負鈔數十萬緡者公曰非寇而何命從者悉繫以奏
詰之迺造鈔匠盜寶鈔提舉司鈔遂置于法邂逅有
見必上聞不以出位爲嫌歷事

四聖皆承厚遇所得賜資時鮮與儼宣德中嘗賜銀章
其文曰和敏詳達蓋以貺公之行云所得書詩圖畫
尤多自念久病奏乞停祿不允家居事親孝敬常迎
就養京師備極崇奉親沒致御祭之榮永樂中命大

臣之子入侍皇太孫公推於其弟雖賢侍姻戚鄉黨
相與款洽如布素時賙窮恤匱不問識與不識與人
處謙和怡愉太官中貴皆樂親之屬續之日哀悼之
衆無間䟽戚享年七十有一葬良鄉縣鄉之原配
劉氏封夫人子男七余與公同朝交四十年至是賢
奉少保江陵楊公所誌墓文求書墓道之碑遂益以
余所知者序之而爲之銘銘曰弈弈吳公興自成均
發軔伊始感會風雲焚武之服從師于邁撫勤效謨
夙夜靡懈乃進棘寺乃陟栢臺隆隆寵光亨衢弘開
正灋以施秉公持平遇灾引咎帝嘉乃誠遂掌邦禁
詰姦刑暴惟欽惟恤恭

帝之詔再入冬官如古司空居民時利飭材考工鞠躬

致誠歷事四聖陟降左右式恒厥敬廷多其績時偉
其望巖巖師保六官之上曷不憇遺而遽長歸七十
高齡于古已稀壽富考終亦既寧只史氏有銘詒厥
來嗣

兵部尚書張公墓誌銘本

楊文貞公士奇

公諱本字致中姓張氏山東東阿人曾祖銳祖誠考
從善洪武中公自國子生擢揚州府江都知縣陞揚
州知府遂陞江西布政司左叅政召爲工部左侍郎
坐累謫交趾還爲刑部右侍郎陞南京兵部尚書兼
都察院事召爲行在兵部尚書兼太子賓客兼戶部
事公少勤學治毛氏詩爲人直諒通敏有器識初在
江都治其縣有法豪猾斂肅雖上官素名悍暴者不

得下擾江都之民安之

太宗皇帝義兵及境衛府皆已歸附公猶率民治宁具
母夫人曰此天命也可違天以禍人乎遂率民耆老
詣軍門朝內難平陞知府進叅政賜白金文綺是時
江西唐琮在都司劉辰在布政司周觀政爲按察司
使三人皆負勁氣不相下琮觀政尤縱私無忌憚事
連軍民者即各持說務已勝不復揆理有積滯數月
不決者公至斷斷持正且溫辭味氣以導之久而二
人者皆惟公言之聽吏弊素甚公每事躬理吏無容
奸聲譽頓起遠郡邑民事當貳佐躬臨視者衆或憚
行輒自請行所過民多德之爲工部職務叢脞旦莫
在公悉心殫慮寢有條理在刑部奉命督北京河運

至濟寧而病朝廷聞之遣中官挾醫馳視并賜藥及
船表竣事還益持敬慎議獄必究情疑者處之率厚
數發奸擿伏竒中而紀綱秩秩

仁宗皇帝初嗣大位重南京根本之地曰張本特立不
阿首進公南京兵部尚書兼都察院事明年被召入
見言國家大計遂留行在兵部毅然以革弊舉廢爲
務

皇上嗣位知公忠直可任所言多見聽納高煦反車駕
親征罪人旣得命公撫輯其衆而錄其餘黨兵政又
弊姦人以貨脫伍籍而援平民實伍者遠邇一轍公
言於

上擇廷臣四出清理悉用釐正於釐正他弊尤多賜勅

獎諭命兼太子賓客賜白金文綺鞍馬遂命兼戶部
事戶部政紀尤弛公夙夜不解講求其故蠲其積弊
舉其隆典凡上利國家下利民生者靡不盡心事日
益就緒宣德六年正月六日得疾又明日訃聞

上深悼惜遣禮部尚書胡濙賜祭遣中官賜賻鈔三萬
緡勅工部營喪葬戶部復其家比葬復遣官賜祭卿
大夫士之賢者皆走哭吊致奠祭又相與嘆曰一世
都高位享厚祿而能任國事如家事如張公者幾人
天胡奪張公之速哉公廉介有守其心未嘗斯須不
在國事剛果嫉惡於治姦宄解所寘假而禮賢敬儒
尤厚春秋六十有五而卒卒之日家無餘貲亦可以
觀其平素矣以公貴祖若考皆贈資蓋大夫兵部尚

書祖妣李妣立皆贈夫人配王封夫人子男二璘璫
孫男三承祖繼宗如意保公葬以卒之歲 月 日
墓在東阿先塋之次璘等以右通政徐琦所狀事行
來請銘余與公兩京交好殆三十年又悉其江西之
政蓋琦知公不若余之深也銘曰崇秩重祿偉公與
卿魏冠褒衣蟬聯在庭執如張公經國如家夙夜弗
遑勞思孔多何以益上何以益下曰予時職其敢遲
暇綽綽成績在公多有倚注方隆公止下壽廉清之
操公正之施賢人之喪善人之思

少師忠定蹇公墓志銘義

同前

宣德十年正月十有五日少師吏部尚書蹇公墓於
位先四日以疾聞

上遣太監范弘醫來視賜鈔萬緡明日范太監以衆醫
偕來又明日疾革范復來問所欲言對曰

陛下初嗣大寶義獨寡祐不能效分寸裨益然區區犬
馬之誠所望於聖明者惟敬守洪武成憲始終不渝
耳言已而絕訃聞

上深悼歎屬時國有大事悉停諸祀特賜鈔萬緡勅工
部治喪葬賻公特進光祿大夫太師謚忠定遣官
賜祭而官其長子英英等奉襯歸葬有日求子爲
銘予與公同朝三十有五年而事

仁宗皇帝自登儲至大位始終皆陪公公國家老成人
所以啓益士奇蓋多不敢辭蹇氏世家重慶之巴縣
宋以來多顯仕自公高曾而下始隱居不出曾祖繼

祖妣牟祖均壽妣雍考源斌妣胡繼羅以公貴贈曾
祖祖考皆榮祿大夫少師吏部尚書曾祖妣祖妣妣
皆夫人公諱義字宜之生而岐嶷長端重不好弄而
嗜學弗懈始從里師中書左丞殷哲時爲郡守一見
異之引充郡學弟子員語其師曰是兒將來遠到非
吾所及當成就之而公不煩程督日益有進洪武甲
子中四川鄉試明年中禮部會試廷試賜同進士出
身擢中書舍人授徵事郎見重

太祖高皇帝每前奏事率稱旨而數見獎賚初名瑤一
日奏事畢問汝賽叔之後乎親灑宸翰書義字賜之
以易舊名時丁羅夫人憂賜道里費且命馳驛歸蓋
特恩云服闋仍舊職滿三載吏部奏當調特命終九

載朝夕左右凡機密文字必以付公而小心敬慎久而愈篤建文中陞吏部侍郎授嘉議大夫

太宗文皇帝入正大統轉左侍郎數月陞吏部尚書授資善大夫時政令制度有非洪武之舊者詔悉復之公從容爲

上言損益貴適時宜間舉數事陳說本末

文皇帝以公忠實悉從其言小人有譖公不忘建文者賴

上聖明不聽有除官不得善地訴公不公者一

上皆斥之永樂二年冊

仁宗皇帝爲皇太子命公爲詹事時師傅皆以勲臣無之而輔導責任文臣詹事蓋元僚也

上欲有諭皇太子率論詹事往還意公亦委曲周悉
皇太子尤愛重公所言靡不信聞滿三載陞資政大夫
七年車駕巡守北京命

皇太子監國中外庶務惟諸王及遠夷有奏請詣行在
餘悉啓聞處分公熟於典故達於政體孜孜無倦不
動聲色而事賴以濟賜詔以其官秩封贈二代滿九
載賜勅有秉心正直及淳良篤實裨益國家之褒數
奉命兼禮部事雖職務填委處之裕如十七年丁父
喪歸

上及皇太子皆遣官賜祭皇太子贈賻尤厚有詔起復
公詣北京謝

上慰勞再三賜鈔千緡遣中官護送歸南京明年從

皇太子朝北京遂命公巡撫直隸應天等府州問兵民休戚及文武吏之賢否而升黜之公謂國家多事之際悉以法繩吏人將不勝特出其太甚者數人餘多見寬貸而兵民利弊當建革者具奏行之

仁宗皇帝初嗣位一切政議預者三四人而公居首進少保兼吏部尚書二俸俱支賜官服象笏及玉帶二遂進少傅又進少師賜師傅之臣銀章各一其文曰繩愆糾繆公首被賜

上諭之曰朕有過舉卿即具疏用此封識進來蓋望公等匡直也繼賜誥授榮祿大夫封贈三代及妻於公數人誥詞

上特增曰勿謂崇高而難入勿以有所從違而或怠所

以望公等切也又念公侍從監國舊勞特製褒忠印
賜賜勅有以善珣君勞心焦思二十餘年夷險一致
之褒時脩

太宗皇帝實錄命公監脩

宣宗皇帝嗣位一切政議屬公數人如

仁考之初繼奉命監脩

仁宗皇帝實錄書成賜白金文綺鞍馬扈從征廬人高
煦還寵賚尤厚復從巡邊既還以公年老不欲煩以
有司之務賜勅曰卿事

祖宗積效勤誠朕嗣統以來尤資贊輔夙夜在念圖善
始終蓋以卿春秋高尚典劇司優老待賔禮非攸當
況師保之重寅亮爲職不煩庶政乃副倚毗可輟吏